

18 Julie 2013

Jaargang 6 – Uitgawe 22

## In hierdie uitgawe

- Voorblad
- Beroepe en standplase
- Predikante en gemeentes
- Ander nuus
- Kommentaar
- Agterblad



Teken in op die e-Hervormer en ontvang elke uitgawe gratis per e-pos!

• Stuur 'n e-pos aan [karen@nhk.co.za](mailto:karen@nhk.co.za)

Nuus, berigte en kort kommentaar (uiters 100 woorde) aan [produksie@nhk.co.za](mailto:produksie@nhk.co.za)



## Skakels

Webblad van die Hervormde Kerk [www.nhka.org](http://www.nhka.org)  
Die Hervormer [www.hervormer.co.za](http://www.hervormer.co.za)  
e-Hervormer [www.hervormer.co.za/e\\_Hervormer.html](http://www.hervormer.co.za/e_Hervormer.html)

Indien u nie weer die e-Hervormer wil ontvang nie, klik op [www.hervormer.co.za/cancel.html](http://www.hervormer.co.za/cancel.html)

## VOORBLAD

### Práát oor depressie!

**Volgens die Wêreldgesondheidsorganisasie is depressie wêreldwyd een van die grootste oorsake van lae produktiwiteit. Dit word ook gesien as die hooforsaak van uitbranding.**

Wat veroorsaak dat predikante bang is om te verklaar dat hulle depressie ondervind? Daar kan seker baie redes wees, maar 'n sielkundige noem die volgende agt:

*Berading en mediese behandeling is "sekulêr".* Die vrees bestaan dat depressie en die gebruik van medikasie deur ander gesien kan word as 'n gebrek aan geloof en as 'n gebroke verhouding met God.

*Stigma van depressie.* Daar is dikwels 'n vrees dat op hulle neergesien kan word.

*Onbegrip oor die gevoel van depressie.* Soms word nie reg onderskei tussen die gevoelens van *sleg voel* en *medies siek voel* nie.

*Gebrek aan ondersteuning.* Hulle vrees dat mense nie begrip sal hê vir hul gemoedsversteuring nie.

*Professionele oordeel kan bevraagteken word.* Hulle vrees dat mense hulle kan vermy, daarom bly hulle eerder stil.

*Suid-Afrikaners word reeds oormatig gedoseer met medikasie.* Daar is die vrees dat die newe-effekte van medikasie hul optrede of oordeel kan beïnvloed.

*Te min afleiding.* Predikante is geneig om hulself nie gereeld ontspanning te gun nie.

*Uitbranding.* Predikante se pogings om almal tevrede te stel, lei daartoe dat meer as 70% aan die een of ander vorm van uitbranding lei en dan selfs die beroep verlaat.

Is hierdie bevindinge enigszins anders as wat Jesus in Matteus 23: 4 gesê het? *Hulle bind swaar en ondraaglike laste saam en sit dit op die mense se skouers, maar self wil hulle nie 'n vinger verroer om dit te dra nie.* Predikante is ook net mense wat onder druk kan kom. Hulle kan ook foute maak, seer kry en erkenning of aanvaarding soek. Predikante se ondersteuning moet kom vanuit die netwerk van die Kerk en die geloof wat haar gemeentes en lidmate bely.

Jakobus sê: *Wat help dit as iemand beweert dat hy glo, maar sy dade bevestig dit nie? Hoe leef 'n mens jou geloof? Eintlik baie eenvoudig. Jesus het gesê: Die koninkryk van God is bedoel vir diegene wat Hom iets gegee het om te eet toe Hy honger was, Hom iets te drink gegee het toe Hy dors was, aan Hom huisvesting gegee het, of Hom geklee, verpleeg en in die tronk besoek het. En onthou: Vir sover julle dit aan een van die geringste van hierdie broers van My gedoen het, het julle dit aan My gedoen (Matt 25: 40).*

Depressie het verskillende soorte snellers, maar het u al daaraan gedink dat u iemand moontlik by God se koninkryk kan uitbring deur net vir 'n oomblik om te draai en Christus se opdrag uit te voer?

**Ds Neels van Tonder  
Buffelspoort**

## BEROEPE EN STANDPLASE

Kontak die webbladredakteur, prof Ernest van Eck, by [ernest.vaneck@up.ac.za](mailto:ernest.vaneck@up.ac.za) om vakante standplase op die Kerk se amptelike webblad by [www.nhka.org](http://www.nhka.org) te plaas. Onthou asseblief dat 'n standplaas eers vakant verklaar moet wees voordat dit geadverteer mag word. Kontak dr Frikkie Labuschagne by 012 322 8885 x256 in dié verband.

### Beroep ontvang

- **Prop Madri Fourie** (NG Kerk) na Port Elizabeth (deelyds)

### Beroep ontvang en aanvaar

Die volgende benoemings is verleng vir die tydperk 1 Junie tot 31 Oktober 2013. Die predikante bly steeds in hul eie gemeentes betrokke gedurende die benoemingstydperk in Gemeente Wonderboomport.



Ds Corné Lemmens

Ds Giel Malan

- **Ds Corné Lemmens** van Villieria (deelsorg)
- **Ds Giel Malan** van Newlands (deelyds)
- **Ds David du Plessis** van Wonderboom-Suid (deelyds)
- **Ds Antionette Janse van Rensburg** van Noordelike Pretoria (benoeming)

### Vakante standplaas

- **Gemeente Saffierkus in Amanzimtoti** beplan om eersdaags te beroep/benoem en wag aansoeke in van predikante (**emeriti ingesluit**) wat nie voltyds 'n ander beroep beoefen nie en wat **permanent of vir 'n korter periode in deelydse/deelsorghoedanigheid** of as **pastorale sorg** in die gemeente kan werk. Profiel van gemeente: 130 belydende lidmate, die helfte ouer as 55. Diensbeskrywing: Gewone werk van 'n voltydse predikant met besondere klem op prediking, pastoraat en opbou van die gemeente. Vergoeding: Alles insluitend R14 000 per maand. Samestelling van pakket onderhandelbaar. Die kerkraad behou die reg voor om enige of geen van die aansoeke te aanvaar. Navrae kan gerig word aan Celia Biggs by 031 903 7970 / 082 410 5444, Frans Hamilton by 082 565 8293, of prof Bieks Beukes by 072 036 4960. CV's kan na [cbiggs@telkomsa.net](mailto:cbiggs@telkomsa.net) gestuur word. **Aansoeke sluit op 31 Julie 2013.**

## PREDIKANTE EN GEMEENTES

Stuur asseblief berigte oor lief en leed en gemeentegebeure na [produksie@nhk.co.za](mailto:produksie@nhk.co.za). Die redaksie doen alles in hul vermoë om inligting korrek weer te gee, maar maak vanselfsprekend staat op die integriteit van die besonderhede soos verskaf.

- **Ds Bernie van der Walt**, uitvoerende hoof van die **Bybelgenootskap van Namibië**, is as lid van die **Wêreldraad van die Wêreldbond van Bybelgenootskappe** (WBG) verkies. Die Raad bestaan uit 24 lede, waarvan 12 lede so pas verkies is om die verskillende kontinente te verteenwoordig – drie daarvan is Afrikane. Die ander twee kom onderskeidelik van Kameroen en Ghana. Ds Bernie is in 1998 aangestel as die uitvoerende hoof van die Bybelgenootskap van Namibië. Onder sy leierskap het die Bybelgenootskap in 2012 'n volle lid van die WBG geword en hulself ook as een van die beste fondsinsamelingsgenootskappe in Afrika gevestig. **Op die foto** is ds Bernie en sy vrou, ds Milankie, op 20 Mei 2009 bo-op Kilimandjaro, die hoogste berg in Afrika.



Di Bernie en Milankie van der Walt



Dr Jackie en Elize Grobler

- **Dr Jackie Grobler**, dosent in Geskiedenis aan die Universiteit van Pretoria en ouderling van Gemeente Philadelphia, het verlede week 'n **nuwe boek** bekendgestel met die oog op die 175-jarige herdenking van die Groot Trek. Die boek, *Die Groot Trek – gids tot monumente, terreine en gedenkplekke in Suid-*



*Afrika*, is die resultaat van jare se navorsing en besoeke aan talle vergete en afgeleë plekke, en vertel die verhaal van die Groot Trek aan die hand van foto's van verskeie monumente en historiese plekke. **Die foto onderaan bladsy 2** is van Jackie en sy vrou, Elize, tydens die boekbekendstelling by die Erfenisentrum (Voortrekkermonument) in Pretoria op Dinsdag 9 Julie.

- Daar is nog net 100 **geloofsbriewe vir die komende Algemene Kerkvergadering** ontvang. Gemeentes word daaraan herinner dat al die geloofsbriewe die Sekretaris van die Kommissie van die AKV **voor of op 31 Julie** moet bereik.
- **ADV se Jaar vir Gestremdheid: Respekteer en akkommodeer.** Persone met spastisiteit is nie noodwendig verstandelik gestrem nie. Dikwels is hulle hoogs intelligent.
- **Gemeente Pretoria-Oos** benodig die dienste van 'n **terreinopsigter**. Die verantwoordelikhede behels onder andere dat die persoon moet omsien na die onderhoud van die geboue en na die instandhouding van die terrein, en toesig moet hou oor die tuinwerkers. Die suksesvolle kandidaat moet bereid en in staat wees om self ook van die instandhouding te hanteer. Dit is 'n pos wat twee of drie dae van die week in beslag sal neem. **Die sluitingsdatum vir aansoeke is 29 Julie 2013.** Navrae kan gerig word aan oudl Tom Moodie by 082 553 8765.
- **AGB-wenk:** Ouer mense is miskien nie altyd meer lus om vergaderings by te woon en om in organisasies te dien nie, maar hulle is beslis van die beste raadgevers en konsultante wat daar is. Kinders, gemeentes en jongmense, maak gerus van ouer mense se wysheid, kennis en ervaring gebruik. Dit sal baie tot hul gevoel van menswaardigheid en nuttigheid bydra. Vir meer inligting, kontak die ADV se Diensgroep vir Bejaardes (die AGB) by 082 786 8448.

### Spesiale eredienste en feesnaweke

- **Gemeente Vereeniging: Eeufeesviering 24 tot 25 Augustus**  
**Saterdag 24ste:** Gesellige bring-en-braai op kerkterrein  
**Sondag 25ste:** Erediens met Albertonse Mannekoor om 09:00  
Program en gesamentlike middagete  
Gelukwensings kan gestuur word na [pbboshoff@telkomsa.net](mailto:pbboshoff@telkomsa.net)
- **Gemeente Ottosdal: Amazing Race**  
**75 geseënde jare**  
**Vrydag 30 Augustus:** Kampvuur-kuieraand by Ottosdal-skougronde  
Lapas, braaivleis met pap en sous, poeding...  
**Saterdag 31 Augustus:** Stap-wedloop, basaar en stalletjies  
Van vroeg tot laat  
Kontak ds Adriaan Benadie by 082 763 2728 of [ottosdal@nhk.co.za](mailto:ottosdal@nhk.co.za)
- **Gemeente Otjiwarongo: 75-jaar-viering**  
**Vrydag 6 September:** Optrede deur opkomende musiekster Lisa Bröner  
**Saterdag 7 September:** Feesgeleentheid  
Stalletjies, gesinsvermaak, potjiekoskompetisie en jaarlikse naggholf  
**Sondag 8 September:** Hoeksteenonthulling en erediens  
gelei deur ds Barrie Oberholzer  
Vir verdere inligting, inskrywings of borge kontak ds Elritia le Roux  
+264 876 3664 of e-pos [propeleroux@gmail.com](mailto:propeleroux@gmail.com)
- **Gemeente Wonderboompoort: 60-jaar-viering: Sixties**  
**25, 26 en 27 Oktober**  
Op kerkterrein in Eloffsdal, Pretoria  
Stuur groetewense, staaltjies, herinneringe en foto's vir gedenkblad  
Baardgroeikompetisie vir die manne

**Aksiegroep  
Gestremdheid**

**agb** aksiegroep  
vir bejaardes



Modeparade met toeka se klere vir die dames  
Kontak skriba Sieg Schwarzer by 012 335 4181 vir meer inligting  
Gedenkbladbydraes aan ds Carel-Johann de Bruin by [cjdb@telkomsa.net](mailto:cjdb@telkomsa.net)

- **Gemeente Goede Hoop (Piet Plessis): 100 jaar Feesnaweek 29 November tot 1 Desember**  
Basaar en hoeksteenoprigting (met optrede deur sanger Pieter Smith)  
asook Voorbereiding Saterdag  
en Nagmaal en Danksegging met doop Sondag  
**Gedenkalbum** deur prof Hennie van der Westhuizen  
Navrae en bestellings aan ds Arno Nieuwhof by 073 240 6030  
of [arnonieuwhof@gmail.com](mailto:arnonieuwhof@gmail.com) of op sy Facebook-blad

## Predikanteverjaardae

- **Die volgende predikante verjaar van tot 26 Julie, en word hartlik geluk gewens.**
  - Saterdag 20 Julie: Ds Mari du Plessis-Manders (Suidoos-Witbank) en dr Gert Volschenk (Nieu-Seeland)
  - Sondag 21 Julie: Di Hannes Jansen van Rensburg (Brakpan-Harmonie), Coetzee Ras (Edenvale) en Adam Swartz (emeritus)
  - Maandag 22 Julie: Ds Kalfie Loots (emeritus)
  - Dinsdag 23 Julie: Prop Juanita du Preez (beroepafwagting)
  - Woensdag 24 Julie: Ds Henk Pienaar (Bosmansrust)
  - Vrydag 26 Julie: Di André Oberholzer (Harrismith), Pieter Steenkamp (Dora Theo Kimberley) en Louis Steyn (emeritus)

## Beplande vergaderings

- Donderdag 18 Julie: ADV Finkom  
Redaksie van *Die Hervormer*
- Vrydag 19 Julie: Kommissie van die AKV  
Finkom van die OSR  
NHSV-dagbestuur
- Saterdag 20 Julie: NHSV-hoofbestuurwerkwinkel
- Dinsdag 23 Julie: ADV-kommunikasie  
Beurskomitee
- Woensdag 24 Julie: Dagbestuur van die Kinderhuise
- Donderdag 25 Julie: OSR-bestuur  
Bejaardesorg-bestuur

## Kursusse en toerusting

- **Gemeente Montana: Seminaar oor gesins- en familiebediening**  
**Dinsdag 6 Augustus 08:00 tot 12:00**  
Spreker: Jim Ladoux van Vibrant Faith Ministries, VSA  
Hoe kan gesinsbediening weer 'n prioriteit word in die geloofsvormingsproses?  
Jeugbediening kwyn weens ouerhuisbasisse wat nie meer vas staan nie  
Hoe kan gemeentes weer hierdie belangrike sleutel aktiveer?  
Koste: R150 per persoon (sluit ontbyt in)  
Kontak Esmé by 012 567 1753 of [nhkmontana@gmail.com](mailto:nhkmontana@gmail.com)  
**teen 2 Augustus** om plek te bespreek
- **Hervormde Teologiese Kollege (HTK): Openbare lesing**  
**Donderdag 8 Augustus om 19:00**  
Dr Wim Dreyer: *Die resente kerkgeskiedenis van die NHKA*  
By die Fakulteit Teologie, UP  
Alle lidmate en ampsdraers welkom





- **Gemeente Montana: 5-weke-toerusting oor verhoudings en kommunikasie Dinsdae om 19:00 van 13 Augustus tot 10 September GRATIS**  
Aangebied deur prof Theuns Dreyer  
Hoe lyk my verhouding met my eggenoot/kinders/familie/werkskollegas/vriende?  
Hantering van konflik, vergifnis en versoening  
Kommunikasie vanuit verskillende persoonlikhede  
Kontak Esmé by 012 567 1753 of [nhkmontana@gmail.com](mailto:nhkmontana@gmail.com)

### Beskikbare behuising

- **Gemeente Philadelphia** het **akkommodasie** beskikbaar vir 'n **student**. Dit bestaan uit 'n privaatkamer met gemeenskaplike ablusie en kombuis. Dit is binne stapafstand van die Universiteit en daar is veilige parkering. Die koste is R2 860 per maand, wat skoonmaakdienste een maal per week insluit. Kontak Elize Fourie by 012 362 7237 tussen 08:30 en 12:30 op weksdae, of dr Sanrie de Beer by 083 226 1866, of stuur 'n e-pos na [philadelphia@nhk.co.za](mailto:philadelphia@nhk.co.za).
- **Louis Trichardt Monumenttehuis in Danville** bied enkel- en dubbelkamer-inwoning vir **bejaardes** wat nog selfversorgend kan funksioneer. Aangename huislike atmosfeer, 2 x etes ingesluit by losies, billike tariewe. Gereelde sosiale programme. Vir meer inligting, kontak mev Marie Hunter by 012 386 5310.
- **Piet Potgieter Monumenttehuis in Mokopane (Potgietersrus)**  
Die volgende akkommodasie is tans by die Dienshuise beskikbaar:  
2 groot luukse kamers: R4 500 elk  
Kleiner kamer met stort: R3 000  
Klein kamer sonder badgeriewe: R2 250  
Ontbyt en middagetete ingesluit  
Gesik vir selfversorgende bejaardes, wat self hul kamer en wasgoed moet doen  
Rustige, plattelandse dorp ideaal vir aftrede  
Kontak bestuurder mev Mariana van Tonder by 015 491 6314
- **Andries-Marié Oosthuizen Monumenttehuis-woonstelle in Parys**  
Daar is tans die volgende behuising vir senior burgers beskikbaar:  
2 x enkelkamer met 3 etes, wasgoed en skoonmaak van kamer 1 x per week  
1 x lieflike enkelkamer met eie kombuis, stoep en tuin,  
met 3 etes, wasgoed en skoonmaak van kamer 1 x per week  
R5 800 per maand  
Kontak matrone Botha by 056 811 2185 vir meer besonderhede

### Konserte en feeste

- **Vrydag 2 Augustus 18:30 vir 19:00: Gemeente Bronkhorstspuit Adam Tas**  
Die Oudewerf  
Volwassenes R100, skoliere R50, voorskools gratis  
Sop en sjerrie word bedien  
Kontak Alvina van Rensburg (083 448 9563) of die kantoor (013 932 2929)
- **Sondag 1 September om 18:30: Gemeente Pretoria-Oos Orrelkonsert met prof Wim Viljoen**  
In kerkgebou hv Dely- en Matroosbergweg  
Toegang GRATIS  
Die gemeente se orrel word 40 jaar oud!  
Verversings in die saal na die konsert  
Navrae aan Pieter van den Berg by 072 041 3954 / [pieter@allensa.co.za](mailto:pieter@allensa.co.za)



- **Saterdag 21 September om 09:00: Gemeente Hartebeeshoek Nataniël**  
La Louise Venue. Willem Cruywagenstraat 155  
Hestepark, Akasia  
Koste: R170  
Koffie, tee en verversings na vertoning  
Kontak Lizette Goosen by 082 539 1456  
of Mariana de Villiers by 072 128 2692

### Kampe en toere

- **Toer saam na Israel en Egipte: 28 November tot 7 Desember 2013**  
Beleef God in die voetspore van Jesus  
Toerleiers: Ds Fanie Beukes en dr Francois Carr  
Vir meer inligting, kontak ds Beukes by 073 167 1183  
of per e-pos by [faniebeukes@yahoo.com](mailto:faniebeukes@yahoo.com)
- **Konteks-leserstoer na Turkye: 1 tot 17 Mei 2014**  
15 dae op die voetspore van Paulus, Johannes en die eerste Christene  
Toerleier: Prof Ernest van Eck  
Plek vir slegs 30 – bespreek betyds!  
Kontak prof Van Eck by 012 420 3804 / 082 413 2332 /  
[ernest.vaneck@up.ac.za](mailto:ernest.vaneck@up.ac.za)  
of Louise Geyser (reisagent) by 012 361 0579 / 082 560 4279 /  
[louise.geyser@absamail.co.za](mailto:louise.geyser@absamail.co.za)

### Kompetisies en fondsinsamelings

- **Gemeente Wonderboom: 1ste Kaiingfees in Suid-Afrika**  
**Saterdag 20 Julie 08:00 tot 13:00**  
Op die kerkterrein, Marjoramlaan 84, Sinoville  
Verskeie ander geregte ook, soos melkkos, pannekoek en mampoer  
Uitstallers welkom @ R200 per stalletjie  
Kontak die gemeentelike kantoor by [wboom@nhk.co.za](mailto:wboom@nhk.co.za) / 012 567 3693  
of Etienne by 082 674 6560 / [ettienne@absamail.co.za](mailto:ettienne@absamail.co.za)

**Belangrike datum!**  
van Pretoria se mees opwindende ekspos by die  
**Voortrekkermonument**  
**25-28 Julie 2013**  
Tel: 012 348 2001 of 011 327 4062  
e-pos: [expo@eiapublishing.co.za](mailto:expo@eiapublishing.co.za)  
besoek ons webwerf [www.todayschild.co.za](http://www.todayschild.co.za)  
of hou van ons op Facebook  
**Ons uitstallers beloof om goeie winskopies aan te bied!**  
**Merk jou kalender nou!**  
Volwassenes R40 Kinders/Pensioenarisse R20 Kleuters verniet R10 vir veilige parkering

- **Gemeente Laer Suidkus: Jaarlikse Prawn-fees**  
**Vrydag 26 Julie vanaf 18:30**  
In saal van Hoërskool Suid-Natal  
Driegangmaal met eet-soveel-prawns-as-jy-wil as hoofgereg  
R150 per persoon – bespreek vooraf  
Ete met hoender as hoofgereg teen R75 per persoon ook beskikbaar  
Kontak Jacques Pieterse by 082 458 4482 of [jacquesjean@vodamail.co.za](mailto:jacquesjean@vodamail.co.za)



- **Gemeente Benornyn: Winterwarmfees**  
**Vrydag 26 Julie van 15:00 tot laat**  
Langs Linmed-hospitaal in Strubenstraat, Benoni  
Winterkosse, sop, brood en tuisgebak  
Uitstallers welkom  
Kom geniet die warm vure en heerlike kos  
Kontak Marlize by 072 117 0317
- **Gemeente Witfield: Boog- en geweerjagkompetisie**  
Kaartjies: R100 donasie  
**1ste prys:** Koedoebul, sebra, blouwildebees, 2 rooibokke, 2 blesbokke plus 5 dae en 4 nagte verblyf  
**2de prys:** Blouwildebees, sebra, rooibok, blesbok plus 4 dae en 3 nagte verblyf  
**3de prys:** Blouwildebees, rooibok, blesbok plus 3 dae en 2 nagte verblyf  
Geborg deur Nyalarus-wildplaas tussen Groblersdal en Marble Hall  
Plaas se professionele jagter kan gebruik word  
Kontak Adri Nel by 084 200 1027  
of Chaan Bezuidenhout by 082 853 5895  
**Sluitingsdatum 31 Augustus, trekking 1 September 2013**
- **Gemeentes Hartbeesfontein en Gerdau: Fondsinsameling 1000 Wen-'n-boerdery en Noag-se-ark-skildery**  
Geleentheid om R50 000 in te samel  
Pakket van 50 kompetisieboekies met 11 kaartjies in elke boekie  
Betaal R5 000 vir pakket van R55 000  
50 pryse te wen, in totaal meer as R100 000 werd  
Wen plaasdiere, bokke, varke, duiwe en vele meer!  
**Trekking in Oktober 2013**  
Kontak Barry of Marthie Pretorius van Hartbeesfontein  
by 018 431 0331, faks 086 550 1874 of [barrypret@lantic.net](mailto:barrypret@lantic.net)  
Verdere navrae aan ds Petrus Harmzen by 082 777 4253

## Basaars en markte

- **Vrydag 26 tot Sondag 28 Julie: Gemeente Buffelspoort Buffelfees**  
Te ATKV Buffelspoort, Mooinooi  
Gaskunstenaars: Nantes en Adéle, Jenny Kirsten, Adéle Botes, Esmelinda, Johan Steyn  
Aktiwiteite: Karaoke, skaak, skopboks, RuggaKids  
Navrae aan ds Neels van Tonder by [nvtonder@vodamail.co.za](mailto:nvtonder@vodamail.co.za)
- **Saterdag 27 Julie: Gemeente Potgietersrus Basaar: Kersfees in Julie**  
hv Voor- en Hoogstraat  
Hope eetgoed, naaldwerk, kindervermaak, ens  
Muntlegging en modeparade met "ingevoerde" modelle  
Navrae by 015 491 3932 of 083 475 6436
- **Saterdag 3 Augustus 08:30 tot laat: Gemeente Hendrina Oesfees**  
Kerkterrein hv Van Niekerk- en Beukesstraat  
Kom geniet 'n heerlike dag saam met Billy Forrest, Jody Wayne en ander Sosaties, worsbroodjies, vleis, pap-en-kaiings, Boeretroos...  
Kontak ds Lorret De Leeuw by 072 195 9414  
of Corrie Wolmarans by 083 343 9643



- **Saterdag 3 Augustus: Gemeente Zwartuggens Bosveldvleisfees**  
Vleis, wors en biltong teen die beste pryse  
Kindertuin met springkasteel en vermaak vir klein tot groot  
Kleiduifskiet, perdry en *go-karts*  
Groente, vrugte en plante om van te kies en te keur  
**Veiling:** Wildjagpakkette, bekende skilder se skilderye, en meer  
**Gaskunstenaar:** Juanita du Plessis die aand  
*Big screen* vir rugby, biertuin met Bonny en Clyde  
Jaco Swanepoel seremoniemeester  
Mnr & Mej Bosveld Vleisfees – kompetisie vir klein en groot  
Uitstalling van nuutste Ford Ranger, en wen nuwe Ford Everest!  
OTM op perseel vir kontant en kaartbetalings  
Navrae aan ds Gerhard Kruger (082 850 8692)  
Kaartjies by Erica Kruger (082 924 6099)
- **Saterdag 31 Augustus: Gemeente Mafeking Basaar: Pirates@Mahikeng**  
Fokus op die kind  
Ollie die Nar met hope vermaak vir die kinders  
Reusespringkasteel en *spookhuis*  
Skattejag vir die jongspan  
Die kinders kan kolwyntjies (*cupcakes*) versier en 'n groot prys wen  
Kwalifiseer met donasie van slegs R50 (of veelvoude daarvan)  
vir kontantpryse ter waarde van R10 000, R4 000 of R1 500  
Kontak Kallie Landsberg (079 893 9031) of dr Annelie Botha (082 650 3494)
- **Saterdag 26 Oktober: Gemeente Kempton Park-Oos KPO Lekker Kuier Kontreifees**  
Uitstallings en kosstalletjies  
Gaskunstenaar Die Flooze (Sorina)  
Toegang R20 per persoon  
Kom geniet 'n heerlike dag  
Kontak Anneline by 082 924 7344 of Marius by 072 778 1033

## ANDER NUUS

- **Vakature: Assistentverpleegster**  
By Andries-Marié Oosthuizen Monumenttehuis in Parys, Vrystaat  
Tehuis vir verswakte en selfversorgende bejaardes  
*Pligte:* Algemene versorging van inwoners, bedwas en kliniekdienste soos die neem van bloeddruk  
*Vereistes:* Goeie interpersoonlike en kommunikasievaardighede  
Vorige ervaring in veld van verpleging van bejaardes sal sterk aanbeveling wees  
Moet geregistreer wees by die Verpleegstersraad  
Normale diensvoorwaardes  
Stuur CV aan mev A Botha, faks 056 817 7525 of e-pos [hf@otmt.org](mailto:hf@otmt.org)
- **RouSMARTseminaar: Saterdag 27 Julie 08:30 vir 09:00 tot 14:00**  
**Sonja Smith Begrafnisgroep**  
Ds Braam Klopper oor *Verstaan en hantering van mense in die rouproses*  
Sanlam-ouditorium, hv Lynnwoodweg en Sanlamstraat, Lynnwood Glen  
(Ingang in Alkantrandweg 11)  
Bespreek aanlyn by [www.hanaevents.com](http://www.hanaevents.com)  
Navrae: 012 997 0125 / 083 306 4489  
Koste vir 4 ure intensiewe opleiding R475  
Ingesluit Braam Klopper se boek *Wanneer woorde ontbreek*  
asook kernaantekeninge





Tee, koffie en verversings  
Predikante verdien 5 VBO-punte vir bywoning  
plus 5 punte indien hulle 'n vraelys beantwoord oor die boek  
HPCSA (sielkundiges, dokters, arbeidsterapeute, fisioterapeute, ens):  
5 VBO-punte  
SACSSP (maatskaplike werkers): 2,5 VBO-punte  
(Seminaar word op 3 Augustus herhaal in Engels, plek en tyd dieselfde)

- **Opleiding in brugbediening: Sentrum vir Kontekstuele Bediening**  
**Eerste week: 5-8 Augustus**  
Onder leiding van prof Malan Nel  
Teologiegebou, UP  
**Tweede week: 7-10 Oktober**  
Aanbieders Johan van Loggerenberg, Christo van der Merwe, Willem Boshoff,  
Errol Dengler, Colin Goeman en Howard du Toit  
Noordoos-Pretoria se kerksentrum in Kilnerpark  
**Koste:** R1 330 (sommige sinodes dra by om die koste te dek)  
Kontak Suki by Sentrum vir Kontekstuele Bediening vir meer besonderhede  
012 420 4952 / [suki.vanjaarsveld@up.ac.za](mailto:suki.vanjaarsveld@up.ac.za)
- **Interkerklike trauma-ondersteuningskamp**  
**Vir naasbestaendes van slagoffers**  
**9-11 Augustus** by Magaliesberg-kampsterrein  
Hooffasiliteerder: Ds Pieter Oberholzer, Weermagkapelaan  
en predikant van NG Kerk Groenkloof  
Koste: R550 per persoon (akkommodasie, etes en konferensiefasiliteite)  
Bespreek by Elize by 072 600 5809 of  
[deoudepastorie.victoriawest@gmail.com](mailto:deoudepastorie.victoriawest@gmail.com)  
Navrae oor inhoud van program aan Pieter by 082 332 5782 of  
[pieterjanob@gmail.com](mailto:pieterjanob@gmail.com)
- **Maandag 14 Oktober 09:00 tot 16:00**  
**Predikanteseminaar**  
Tema: *Tussen-Testamentêre Tydperk / Tweede Tempelperiode – stil of nie?*  
Noordwes-Universiteit, Potchefstroom-kampus  
Kamer 204, Fakulteit Teologie  
Aanbieders dr Jacobus de Bruyn en mnr Eugene Coetzer  
Alle kerkverbande se leraars word uitgenooi  
Dien as verdere opleiding vir predikante  
R320 per persoon, sluit middagete en verversings in  
Inskrywings teen **Vrydag 20 September** op die laatste  
Navrae aan dr Jacobus de Bruyn by 072 606 1661 /  
[jacobus.debruyn@gmx.com](mailto:jacobus.debruyn@gmx.com)

### Advertensies in die e-Hervormer

Advertensies waarvan 'n private individu of instansie die begunstigde is, of waarin 'n gemeente 'n projek prominent wil bekendstel, kan in die e-Hervormer geplaas word. Indien 'n jpg-weergawe van die advertensie voorsien word, moet dit verkieslik nie groter as 'n standaard besigheidskaartjie wees nie. Stuur die voorgestelde teks van nie meer as 110 woorde met of sonder eenvoudige grafika of 'n foto saam met die bewys van betaling aan mev Tessa Oppermann, per faks na 086 633 4059, of per e-pos na [produksie@nhk.co.za](mailto:produksie@nhk.co.za). GEEN advertensie sal geplaas word sonder die betalingsbewys nie.

Die teks en bewys van betaling moet mev Oppermann bereik teen 16:00 op die Dinsdag voor die betrokke uitgawe se verskyning. Die e-Hervormer word normaalweg Woensdae saamgestel en verskyn dan die Donderdag. Indien die plasing meer as een keer moet geskied, moet aangedui word op watter datums dit moet verskyn, met betaling vooruit vir al die beoogde plasings. **Die koste is R150 per plasing**

(BTW ingesluit). Die verskuldigde bedrag moet uitgemaak word aan die Raad van Finansies, ABSA tjekrekening nommer 020-000-287, takkode 632-005, **verwysing: u naam + e-Hervormer Ads.**

## KOMMENTAAR

Lesers kan kort kommentaar (**uiters 100 woorde**) stuur aan [produksie@nhk.co.za](mailto:produksie@nhk.co.za). Langer bydraes sal nie geplaas word nie, en moet eerder na die gespreksforum van die Kerk se webblad gestuur word; gaan dan na [www.nhka.org](http://www.nhka.org) → Praat saam en kies die opsie wat u pas. Anonieme bydraes word ook nie gebruik nie. Die finale besluit oor plasing in die *e-Hervormer* berus by die redakteur.

“Daar is baie goeie aspekte in die lewe van ’n dominee wat hy gerus met sy gemeente kan deel, maar om jou hele lewe bloot te lê, jou twyfel en jou teologiese menings en gevolgtrekkings oor kontroversiële sake wanneer dit strydig is met die Kerk se mening, kan ’n gemeente ernstig verwar. Ek dink ons moet die *ope brief* aan al ons gemeentes rig. Dan kan ’n gemeente selfondersoek doen en kyk of ons as lidmate kans sien om hierdie uitdagings te hanteer met empatie en simpatie. Met die Nagmaal word ons geroep tot selfondersoek, kom ons doen dit.”

**Ds Dirk Stoltz (emeritus)**

\*\*\* In verlede week se voorbladartikel verskyn die sin: *Ek het ’n breuk nodig*. En toe kom die kommentaar: Lesers vra of dit nie eerder *breek* moet wees nie? Eintlik moet *I need a break* eerder vertaal word as *Ek het ’n ruskans nodig*. Maar dankie vir almal se entoesiastiese deelname!

## AGTERBLAD

### Die SP Engelbrecht-museum

’n Voubiljet oor die Kerkmuseum is van die argivaris, mnr Nándor Sarkady, beskikbaar. Kontak hom by 012 322 8885 x204 of [argief@nhk.co.za](mailto:argief@nhk.co.za).

**Die  
SP Engelbrecht-  
museum**

Kerkmuseum in die kerkgebou  
Nederduitse Hervormde  
Gemeente Pretoria  
Du Toitstraat 169  
Pretoria

**Besoek hierdie  
Kerkmuseum**

- Reël met die gemeentekantoor by [pretorianhk@telkomsa.net](mailto:pretorianhk@telkomsa.net) of maak ’n afspraak by 012 321 7580 tussen 08:30 en 14:30 op weekdae.
- Toegangsfooie word tydens afspraak gereël.
- Veilige parking.
- Die Museum is nie toeganklik vir persone met fisiese gestremdhede nie aangesien dit op die galery van die historiese kerkgebou gevestig is.

Adres: Du Toitstraat 169, Pretoria.  
GPS: -25° 44' 42.05", +28° 11' 51.41"

<http://www.nhka.org> → so werk ons →  
SP Engelbrecht-museum